

April 26, 2021

www.awemainta.com

www.facebook.com/awemainta

noticia@awemainta.com

583-1400



AWEMainta

Porfin después di varios año

TEAM DI INTERVENCIÓN DI KIA Y CEA A HAYA UNIFORM Y EQUIPO NOBO



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw




TA despues di hopi año cu e team di intervencion special conoci como IBT BOT-K9 di Instituto Coreccional di Aruba, cu ta consisti di miembronan di KIA y CEA, ta haya uniform y ekiponan nobo atrobe.

Ta for di año pasa Minister Andin Bikker tabata atendiendo cu e proyecto aki, pero e pandemia a presenta sin spera. Na januari 2021 a pone mas velocidad den e proyecto, ya cu e empleadonan di e team aki di KIA y CEA tabatin hopi año sin por a haya uniform y ekiponan nobo.

Ademas a percura pa bestel uniform nobo pa full e personal di KIA cu tambe tin hopi año sin haya uniform nobo. Pero comosifuera poco, ora cu tur cos tabata na caminda pa Aruba, ata ta bin otro retraso atrobe, ora cu e barco a pega den e Suez Canal. Cu retraso mes parti di e carga a logra yega nos isla, pendiente mas cargamento cu ta na caminda dentro di algun siman mas.

Director di KIA, Gino Winklaar, a informa cu dos grupo na KIA a haya uniform nobo, esta e Interne Bijstandsteam (IBT) y e Bijzondere Ondersteuningsteam (BOT K-9 unit). E uniformnan ta parece esun di Riot, pero tin un diferencia, cu t'e sapato.



Market Leader of Business Software in the Caribbean

= exact

Solutions for:

- Finance
- Wholesale Distribution
- Professional Services
- HRM, CRM and BPM

VCC


International NV

*Supports All Your
Business Activities & Processes!*

Tel. 583-7072 | info@vcc-int.com | www.vcc-int.com

Despues di Mega Debe y awor ta 'investigacion forensico' di RDA

MEP simplemente no tin argumento hustifica pa drenta pueblo pa haya sosten



MAS y mas dia cu ta pasando, ta bisto cu partido MEP ta den un situacion hopi delicado pa loke t'e campaña cu e partido tin cu presenta na votadornan pa haya nan voto dia 25 di juni proximo, ya cu simplemente Gabinete Wever Croes no tin mucho cos positivo pa presenta na pueblo votador. E falta di argumento, e falta di un proyecto, e falta di ayudo pa pueblo, e falta di cumpli cu promesanan duna na pueblo na 2017, e falta defende pueblo y e pais cu alma y cuerpo, ta pone cu politiconan di MEP ta enfrentando hopi incertidumbre den bishita y reunionnan na cas di votadornan.

Ya caba for di aña pasa e partido a inicia cu su campaña cu atakenan frontal contra lider di partido AVP, Mike Eman como tambe un otro politico cu a gana reconocimiento na Hulanda y otro paisnan, pa su profesionalismo cu ta Richard Arends.

Fuera di a hiba un atake formal y frontal contra di e dos politiconan aki, partido MEP ta usando e Caso Avestruz como arma politico ayuda den cierto forma pa Ministerio Publico, pero for di e tempo ey bin dilanti, esta for di momento cu lider di MEP, Evelyn Wever Croes a anuncia for di aña pasa cu su partido geel ta den campaña, e partido y su lider no a brinda nada, pero absolutamente nada na pueblo.

Mirando e debe di Aruba cu a subi den e periodo di pandemia cu placa cu mester a fia for di Hulanda, e partido di Evelyn ya no por haci uso di e mega debe mas ya cu loke su Gobierno a haci, ta ainda pio cu loke nan a acusa nan contricante den pasado.

Gobierno di coalicion no tin nada pa mostra pueblo, ningun proyecto y esaki a pone algun politico haci cosnan straño manera Andin Bikker anuncia cu a caba di verf edificio di Corte, pero ta algo cu Monumentenzorg a haci for di su propio presupuesto, pues e no ta logro algun di Bikker.

Chris Romero despues di un ausencia basta largo a bay yuda Setar inicia cu un di su shopnan, mientras cu ainda Romero no por mostra pueblo unda e Proyecto di Fastferry a keda pa San Nicolas, algo cu for di prome dia den gobernacion, el a bisa di ta trahando ariba.

Den campaña 2017 lider di MEP, Evelyn Wever Croes a bay prensa y a presenta un lista di medidanan cu su Gobierno lo bay tuma, pa drecha e situacion financiero di e pais, insistiendo cu esaki lo tuma lugar sin cu Gobierno tin cu tuma medida.

Un lista cu 28 punto Evelyn a presenta cu su Gobierno lo bay ehecuta pa drecha bida di tur hende y cu lo pone e hende central, pero awe e hende ta sin trabou pa gran parti, e hende ta sin remedi pa motibo di e briyante idea di Evelyn pa reduci gasto den cuido medico, mientras cu e refineria cu e lo a habri cu e tantisimo contactonan cu su persona tin, su persona mes a laga sera esaki atrope.

Te ainda no por mira e lider di MEP c'un lista largo den prensa, ya cu realmente e no por tin lista di promesanan mas ya cu ainda e debe henter e lista cu el a usa na 2017 sin cu su Gobierno a duna pueblo loke a wordo priminti.

Awor cu otro triki politico sin sentido, diabierna ultimo e lider di MEP ta entrega na Presidente di Parlamento, e rapport di RDA cu ta un campaña baho contra e miembro di AVP, Richard Arends.

No tin sentido pa un Parlamento cu Prome Minister mes a desolve, atende cu e asunto aki ya cu e unico cos cu Parlamento por haci, ta di yama un bijeenkomst den cual nan por haci nan weg sushi contra di partido AVP, ya cu realmente Parlamento aki cu a wordo desolve, no por tuma ningun medida mas.

Aki e desesperacion di partido MEP y su lider ta keda demostra ya cu pa motibo di a faya cu pueblo, awor ta inventando cosnan cu realmente no ta al caso.

Den KIA tin free for all tumando lugar

Grabacion haci den KIA cu prisionera humando marihuana y cu menasa

UN noticia sumamente ‘ferfelo’ cu a circula for di siman pasa riba Instagram, ta muestra di un situacion den e centro coreccional KIA, caminda presonan eyden, a graba y pone riba e medio aki, un situacion cu ta simplemente atros y serio.

Ta trata di un preso humando un tipo di droga, cu ta muestra mas tanto riba un cigarria di marihuana, riba cual lo tin number di un hoben cu a wordo asesina recientemente y e preso cu ta haciendo esaki, ta bisa cu nan a ‘huma’ e victima.

Fuera cu esaki ya caba ta algo sumamente serio, na final di e grabacion cortico e mesun persona aki ta bisando cu tin mas number pa wordo ‘huma’ cual por wordo considera un menasa serio y cu lo tin mas hoben cu lo wordo elimina.

Desde algun luna atras, comunidad a wordo sacudi pa un serie di atentadonan riba bida di hobennan, caminda ya caba tin cuater morto, kisas algun no tin nada di haber cu e otro, pero sin duda un situacion sumamente serio.

Mesora ta lanta e pregunta con por ta posibel, cu den KIA e tipo di cosnan aki ta tumando lugar, sigur ora cu realisa cu e instituto aki ta pa percura no solamente pa un preso sinta su castigo pa un of otro violacion di leyman cu el a viola, pero eyden tin cu prepara e hendenan aki pa drenta bek comunidad mas mihor prepara p’asina nan sigui cu nan bida riba e bon caminda.

Pero e tipo di lenguahe cu por a wordo scucha riba e grabacion, simplemente ta muestra cu esaki no t’e caso cu e mentalidad criminal aki, ta sigui wordo promovi. Con bin den KIA ainda presonan tin aceso na droga, con por ta posibel cu nan tin den nan poder celularnan cu cual nan por sigui comunica cu otronan for di e centro aki, hasta haciendo e tipo di locuranan aki.

No tin control den KIA? No tin vigilancia den e centro aki, ya cu ta conoci cu KIA no t’e lugar cu ventilacion asina efectivo cu e holo di marihuana ta disparce mesora y aki ta sigur cu e holo aki ta keda colga pa un rato.

Ningun guardia ta tuma nota di esaki? No tin control ora cu hendenan ta bishita nan famia of amigonan den KIA, algo cu sa pasa y cu sigur tin cu sigui pasa cu mas frecuencia.

KIA tin un Director nobo, kende ta traha masha duro pa drecha e instituto aki, pero su so no por. E mester di sosten di e propio ciudadornan di preso, unda hopi di nan pa tentacion ta cay den trampa pa laga contrabanda pasa. Siman pasa ainda e Director a descubri un celular den un cel y a kita esaki inmediatamente.

No ta for di awor ta conoci cu tin contrabanda na gran escala den e centro aki, caminda no solamente droga ta wordo trece pa presonan, pero cantidad di celular cu nan tin cu nan a haya di un of otro hende cu a bin di bishita.

Informacionnan extra oficial cu AWEMainta a ricibi ta indica cu uso di celular den e centro aki, ta supera mas cu 50% di e presonan, esta cu nan tin den nan poder un celular cu no ta wordo descubri pa trahadornan di e lugar. Lamentablemente tin sospecho cu hasta tin funcionarionan di e instituto aki, ta forma parti di e contrabanda aki, manera a yega di sosode caba na varios ocasion den pasado, pero ta algo cu constantemente tin cu wordo controla y un vigilancia mucho mas estricto ta na su lugar.

Masha tempo no a scucha mas di razianan cu ta tuma lugar den KIA dor di autoridadnan policial y esun ultimo ta data di algun aña atras, pero no ta mira accionnan tumando lugar pa atende cu e asunto serio aki. Ta algo hopi serio ora c’un preso no solamente ta usa droga, pero ta menciona number di un persona hoben kende lo a wordo ‘huma’, esta elimina mientras cu tambe e ta insinua cu tin otronan cu ainda tin cu wordo huma, esta elimina.

Ta cosnan cu simplemente ta inaceptabel y cu ta rekeri pa Minister di Husticia demisionario Andin Bikker sikiera purba haci algo contra e asunto aki, na lugar di haci politica cu su funcion manera el a bin ta haciendo ultimo simannan, cu entrega di material n’e ciudadornan di preso.

Acusadonan di negoshi di droga den Madiki den Corte

INFORMACION ricibi riba bendemento di droga na un adres specifico na Madiki, a pone cu departamento a bay vigila e adres en cuestion.

Despues di a haya suficiente informacion a pasa pa detene: Johan Jahin M.G.; Challier Alvaro B.; Iana Geerdina V.d.P.; Osmar Oscar T. y Bernard Bryon F. Nan caso a bini den Corte, cu excepcion di esun di e acusado femenino pa motibo cu su abogado no por tabata presente.

Hues a repasa e procesverbal unda a informa e acusadonan di tur loke Polisnan a constata durante e vigilancia cu a tuma lugar den luna di september, 2020. E modus operando di auto y hendenan yegando entregando algo y ta haya algo den nan man.

E siguiente paso despues di e vigilancia y cu a haya informacion di sospecho di cosnan ilegal tumando lugar n'e adres en cuestion, a haya permiso di Hues Comisario pa tira un razia y aki a canta bingo. A detene no solamente comprador, pero tambe algun persona den e cas.

E tabata un bon razzia, pasobra hasta a haya administracion cu number di e clientenan, nan dealernan pero tambe proveedornan.

A confisca tambe diferente tipo di droga manera marihuana, cocaina, zeta di cannabis, mata di marihuana y diferente tipo di pilder.

Un negoshi completo.

Tambe a confisca placa, tanto dolar como florin. A bay cu un suma basta grandi di casi 10 mil florin.

Den e mesun caso aki a confisca for di un auto cu a busca mercancia n'e cas mas cu 30 sakito cu diferente tipo di droga den nan. Tabata trata di e acusado Johan Jahin M. y a hay'e tambe cu placa efectivo.

Ta sospecha cu e lo por tabata bay entrega droga pa motibo cu a hay'e cu un buki cu number tambe.



E caso aki tin un rabo largo, pasobra basa riba e administracion di e negoshi aki a haya mas number cu ta wordo investiga den un caso apart.

Fiscal ta considera e acusado Challier Alvaro B., como e persona cu tabata encabesa e negoshi aki y el a bin ta haci esaki pa algo tempo caba. Tur cos confisca tabata na su cas, inclusive e armanan di candela y e placanan cash.

P'esey el a pidi Corte pa impone un castigo di seis aña. Pa Bernard B. a pidi un castigo di 18 luna; pa Osmar tambe 18 luna, pero un parti di esaki ta condicional y pa Johan, kende no ta prome biaha ta haya su mes involvi cu husticia, el a pidi un castigo di 18 luna.

Aki tres siman tin sentencia.

Chauffeur di Nissan March despues di un persecusion, a duna polis hard time, casi 10 polis pa por a detene



DIASABRA anochi durante toque de queda, den careda di 11'or di anochi, Polis a topa cu un auto, un Nissan March riba caminda. E patruya mesora a dune ordo pa para, pero e chauffeur di e Nissan March no a respeta ordo di polis y a sigui core.

Mesora a cuminsa un persecusion den cayanan di Oranjestad cu a bin caba na un cas den Arendstraat. E chauffeur di e Nissan March a para e auto den e caminda na banda di e cas y a core bay paden, pero prome el a reverse dal e auto di Polis. Polis aparentemente lo a haya permiso di e habitantenan di e cas pa dreña paden y saca e chauffeur for di e cas. Aki ta caminda cu Polis a haya nan confronta cu un cabayero cu basta forza.

E chauffeur tabatin asina hopi forza, cu e Polisnan cu hopi dificultad por a want'e. Despues di hopi esfuerso e Polisnan a logra sali cu ne pafo di e cas. Na momento cu nan a bay pa pone den boei, el a bira hopi razo y a cuminsa resisti asina fuerte cu e Polisnan casi no por a control'e. Como 10 Polis mester a uni forza pa por a wante y pone riba vloer, p'asina nan por a pone den boei.

E forza cu e homber tabatin, probablemente lo tin di haber cu e lo ta bou influencia di un of otro substancia. El a wordo transporta cu transportwagen di Polis pa Warda di Playa, mientras e Nissan March a keda confisca. Despues cu el a wordo carga y hinca den transportwagen. Na yegada na Warda di Polis, e homber a calma y e tabata full trankilo na Warda di Polis.

Arthur Dowers

Awor si ta ora pa Minister Bikker sigui conseho di Parlamentario Bikker y retira

COMO Minister di Hustica na poder, Andin Bikker no tabatin vision y no tabatin maneho y awor cu e ta demisionario, tampoco e tin capacidad pa atende cu e ola di criminalidad cu ta pasando den comunidad.

Arthur Dowers di AVP a muestra cu ta increibel cuanto actonan di violencia, uso di arma di candela y arma blanco, atraconan den cas di hende y riba comerciantenan, ta tumando lugar, mientras cu Aruba tin un Minister demisionario cu parece ta demisionario for di 2017 ora cu el a huraamenta.

“For di prome dia di aña 2021 tin cantidad di caso di uso di arma di candela tumando lugar, cu a costa bida di varios hoben, agresion cu arma blanco den varios barrio rond Aruba sin c’un dia Andin Bikker por a bin dilanti y muestra pueblo kico e lo bay haci pa contra aresta e situacion aki. Ta mesun Minister di Husticia inhumano aki, t’esun cu a priminti pueblo cu e lo reduci criminalidad asina cu e bira Minister di Husticia, cu e lo laga instala camaranan na casi tur cas rond Aruba, cu e lo percura pa Cuerpo di Polis ta bon ekipa y awor ta bin resulta cu ni computer e por a regla pa Polisnan haci nan trabou mihor.

Unico cos cu e Gobierno di Bikker a haci, ta kita salario for di Polisnan, reduci nan entrada a base di un plan cu su Prome Minister a presenta na Hulanda, pero algo riba su maneho pa realmente reduci criminalidad, niks en nog eens niks.”

E unico logro di Minister demisionario Bikker, ta su propio deseo di un dia a fungi como Minister di Husticia, pues su soño a bira realidad, mientras cu pueblo mes no por drumi drechi y ta sufrir di ‘nachtmerrie’ p’e maneho cu e Minister aki a bin ta hibando. Normalmente un Minister demisionario ta keda haci cosnan rutinario te ora cu eleccion tuma lugar, pero lo ta bon pa Andin Bikker scirbi historia, bay den bukinan di historia politico di Reino Hulandes, como e prome y unico Minister demisionario, cu ta tuma retiro ya cu hasta como demisionario, e no tin maneho pa proteha su pueblo, segun Arthur Dowers.



“Busca bo seguro di auto digital awe mes. E ta facil y util!”



Citizens Insurance Aruba ta hasi e posibel cu bo seguro di auto digital ta den bo cartera digital 24/7, pasobra esaki ta den bo celular. Pa medio di un QR code bo por divulga bo information di validez di bo seguro na tur momento di dia y na tur instancia, sea ta na oficina di impuesto of na cuerpo policial na momento di controla.



Bo ta desea di tin bo seguro di auto digital.



Tuma contacto cu nos di Citizens Insurance awe mes y den algun minuut bo lo tin bo seguro di auto digital.



Bisa ayo na papel y disfruta di bo seguro di auto digital.

We care!

Dominicanessenstraat 5, Oranjestad, Aruba, T: +297 5824990, Whatsapp: +297 5944992
Email: info@naa-citizens.com www.citizens.aw

Citizens
INSURANCE

Den propio seno ta biba e pensamento pa Dangui Oduber bira lider di MEP

CAMPAÑA ta den full swing y partidonan ta trahando duro pa trata di gana sosten di pueblo votador, caminda algun partido no tin problema cu esaki, pero otroan si ta confrontando retonan grandi pa un eleccion cu a bin mucho tempran pa nan.

Manera ta conoci eleccion 2021 mester a tuma lugar na luna di september 2021, pero ora cu Prome Minister Evelyn Wever Croes a dicidi di manda su Gabinete cas y a desolve Parlamento den un bishita na Gobernador luna pasa, el a crea un situacion caminda den un periodo di tres luna, e mester a yama eleccion nobo pa pueblo eligi un Gobierno nobo.

Hasta su propio partido a haya su mes ta cambiando tur su plannan p'e campaña cu mester a inicia ten a luna di juli y awor mester a inicia sin cu tabatin materialnan di promocion cla.

AWEMainta a wordo informa cu hopi politico cu a haci pedida di material den exterior y otroan cu tabatin plan di haci esaki, awor ta wordo confronta cu e problema cu e manterialnan aki lo por yega lat pa ainda ta usabel.

Mientrastanto informacionnan riba trahamento di lista ta sigui drenta na AWEMainta y ya caba ta conoci cu solamente dos te cu tres partido, lo bolbe presenta un lista cu 29 candidato mirando e tempo cortico cu tin pa no solamente busca candidato, pero tambe pa prepara nan como politico nobo.

Ta conoci cu partidonan AVP y MEP lo entrega un lista cu 29 candidato, mientras cu pa eleccion 2017, partido POR tabata e unico otro partido cu a entrega un lista cu 29 candidato pa participa den e proceso electoral. Sinembargo mirando tur loke a tuma lugar den e partido blau, e crisis interno cu tin caminda practicamente tur e candidatonan mas riba di e lista a bandona e partido, ta lanta duda cu POR lo por presenta un lista igual, esta cu 29 candidato.

E combinacion politico na 2017 entre PPA y UPP, a entrega un lista cu 20 candidato, pero awor tin cu mira kico lo pasa si esaki lo keda mescos of nan lo logra cera un lista cu 29 candidato, despues cu Lisette Malmberg

cu su partido nobo Transforma a uni su mes cu partido PPA, dunando indicacion cu UPP lo por presenta den e eleccion su so e biaha aki.

Dos otro partido na 2017 a participa den eleccion cu 10 candidato y ta trata aki di CURPA y partido RED y ainda no ta conoci si principalmente RED cu a forma parti di e Gobierno di coalicion, lo dicidi di amplia su lista cu mas candidato.

Partido MAS cu diahuebs ultimo a wordo tuma over pa Marisol Lopez Tromp, a participa na eleccion 2017 cu solamente 8 candidato, pero ta spera cu e lider nobo lo entrega un lista mas amplio cu e cantidad aki.

Partido RAIZ cu a sorprende den eleccion 2017 a participa cu solamente 7 candidato y ainda no ta conoci si e lista lo tin mas hende riba dje y kico t'e plannan di e partido cu su lider Urshell Arends na cabes.

Mientrastanto tambe ta circulando informacion for di propio seno di partido MEP, un tendencia caminda ta biba e pensamento cu mester cambia di lider y number di Dangui Oduber continuamente ta wordo menciona. Hopi ta considera cu e rol cu Evelyn Wever Croes a hunga como lider di e pais no tabata esun cu a spera di un lider di MEP, principalmente den e proceso di entregamento di autonomia financiero y Parlamento di Aruba, caminda nan ta kere c'un cambio lo ta bon p'e partido.

Durante di e pandemia Minister Dangui Oduber a interpreta un rol totalmente diferente cu esun cu Evelyn a interpreta caminda den su presentacionnan na pueblo pa atende cu e pandemia, Dangui a muestra mucho mas positivo, a muestra mucho mas comprension p'e situacion real di tanto pueblo como di e sector economico y comercial, compara cu e presentacionnan di Evelyn cu mas bien semper a duna un impresion demasiado dramático, sembrando algun bes panico na lugar di calma un pueblo cu ya caba tabata bou hopi stress.

Sinembargo tin duda cu e cambio aki lo tuma lugar, ya cu e por tin un impacto tanto positivo como negativo, pero den un campaña caminda e tempo ta mucho cortico, no por perde tempo pa evalua e cambio aki tampoco.

Chauffeur a hit and run y despues di un persecusion basta largo a keda deteni

Diasabra algo despues di 12.'or y mey, na altura di Italo Arubano, un Nissan Fuga ta dal tras di un Nissan Versa blauw, e Versa a haya basta daño material.

E chauffeurnan a baha pa regla esaki, ora cu e chauffeur di e Nissan Versa a puntra e chauffeur di e Fuga pa su seguro di auto, e chauffeur di e Fuga a subi su auto y a core bay. Mesora e chauffeur di e Versa a cuminsa sigui e Fuga.

E Fuga a sigui bay 'riba y banda di Napa Santa Cruz, el a bira bay links den e caminda pabou di Napa Santa Cruz, riba e caminda ey banda, e chauffeur lo a dal contra un cura di cas. Ora e habitantenan a sali pafo, e chauffeur di e Fuga a sali cu su auto bay di e sitio.

Despues di golpi, e rol a cambia, e chauffeur di e Fuga a cuminsa core tras di e Versa. Nan a sigui core bay direccion di rotonde Santa Cruz bay zuid dje nan a drenta Papilon.

Polis a conseha e chauffeur di e Versa pa keda para banda di ex Wema Santa Cruz. E chauffeur di e Fuga a sigui core y a sali bek riba e caminda di Santa Cruz pa bay Hooiberg. El a bay direccion pabou y despues un poco pariba di Maiky's na Hooiberg el a para un rato y despues a bolbe subi caminda bay direccion pariba.

E chauffeur tabata core hopi irresponsabel, un otro chauffeur cu tabata su tras a nota esaki y a yama Polis. Nan a sigui e Fuga, cu a bay direccion di rotonde Santa Cruz. El a bay direccion pariba, pasa den Macuarima, bay direccion Cas Ariba, el a pasa e crusada di dam di Cas Ariba bay ariba y na Sombre un patruya a topa e auto aki, nan a bay su tras te na su cas na Sombre.

E chauffeur aparentemente lo tabata bou influencia di un of otro substancia y no kier a baha for di auto. E no kier a coopera cu e Polisnan cu a sigui su tras te na su cas. Polisnan n'e sitio a pidi pa refuerso, hopi liher varios unidad di Polis, entre otro Unidad di K9 tambe a yega n'e cas p'asina asisti nan coleganan. E Polisnan hopi liher a logra saca e chauffeur for di su auto y a detene. El a wordo transporta pa Warda di Polis y su auto a keda confisca.





Fresco Tur Dia





HABRI TUR DIA DI 6:00AM-6:00PM

YAMA NOS: 5821915
**Guyabastraat #4
Dakota**

Stichting Musica ta apela na Crisis Team

DEN number di musiconan y e mundo di entertainment, Stichting Musica a dirigi su mes na Crisis Team durante di un Live Conference via nan Facebook page riba diasabra, 24 di april 2021.

Durante di e conferencia presidente di Stichting Musica, sra. Edwina Werleman y Vice-Presidente, sr. Bobby Gibbs a remarca cu musiconan no a wordo considera den e ultimo ahustacion di medidanan, siendo cu e fundacion tin mas cu tres luna wardando pa un contesta of sikiera un follow up di Crisis Team despues di a entrega un Proposal Plan formal.

Na prome instancia Crisis Team a pidi Stichting Musica pa dialoga cu Departamento di Cultura [DCA] y a logra reuni varios biaha cu DCA. Stichting Musica a cumpli cu tur peticion di DCA y riba dia 20 di januari 2021 a presenta un Proposal Plan cu diferente proposicion y sugerencia di parti musiconan.

Te awe Stichting Musica no a ricibi un contesta riba e plan aki, supuestamente pa motibo di hopi trabao y casonan variante, e team te ainda no a logra discuti/repasa e proposal. Den esaki ya tres luna a pasa y varios medida a wordo ahusta, pero sin cambio algun pa musiconan y e mundo di entretenimento.

Musiconan ta dunando di nan parti pa cumpli cu e protocolnan stipula y ta hasta motivando otro pa bay vacuna. Stichting Musica ta compronde cu Crisis Team tin un tarea dificil y cu nos no por bay bek na 'normal' di biaha. Sinembargo, mester cuminsa un caminda.

Durante di e conferencia, musico Sergio Barros a trece algun topico interesante pa dilanti.

Entre otro, cu dunando musiconan e espacio pa gana un entrada, a lo largo lo yuda e caha di Gobierno, mirando cu nan no lo depende riba FASE.

Tambe a remarca cu dialogo y union entre musico t'e unico modo pa yega na solucion y cu ora di traha maneho no mester solamente enfoca riba solucion inmediato, pero tambe pensa riba un plan pa termino largo.

Stichting Musica ta haci un apelacion urgente na Crisis Team pa tuma accion y pa follow up riba e Proposal Plan cu a wordo entrega na januari 2021. E meta no ta pa pone comunidad na riesgo, sinembargo, pa yega na un solucion realistico. Stichting Musica lo duna oportunidad na mas musico pa vocifera nan preocupacion y comparti nan situacion actual cu comunidad di Aruba, pa medio di mas programa 'Live' riba nan plataforma di Facebook den e siman cu ta sigi.

Stichting Musica ta pidi tur musico y tur esnan cu tin e mundo di musica y entretenimento na pecho, pa bay riba e Facebook page di Stichting Musica y uza e frame disponibel. Cambia bo profile picture uzando e frame aki p'asina muestra solidaridad cu nos musiconan y e causa aki y manda un mensaha cla y raspa pa Crisis Team pa trata e punto aki como prioridad. E meta primordial di Stichting Musica ta, n'e momentonan aki ta, pa haya oido di Crisis Team y hunto tuma accion pa yega na solucion responsabel, segun Presidente di Stichting Musica, Edwina Werleman.

KvK ta confirma cu comercio por keda habri Dia di Rey y Dia di Asuncion

Camara di Comercio (KvK) a vocifera su opinion varios biaha caba di e importancia pa comercio en general haya tur oportunidad posibel pa por opera normal, mas aun den e periodo di crisis economico actual.

Pa acelera e recuperacion economico ta importante cu comercio por sigui brinda servicio na nos hendenan local y turistanan.

Den pasado semper Minister di Finanza, Asunto Economico y Social (MinFEC) a otorga dispensacion di sierre di negoshi riba e dianan festivo y/o di conmemoracion oficial. Sinembargo, esaki no tabata e caso e aña aki, pa loke ta trata Dia di Betico, Dia di Himno y Bandera y e dianan relaciona cu Pasco Grandi.

KvK ta comprende cu den e pandemia actual tin cu tene cuenta cu e interesnan pa loke ta trata salubridad publico, pero no obstante mester tin espacio pa comercio por genera entrada.

P'e motibo aki, KvK a acerca MinFEC por escrito cu e peticion pa indica e intencion di Gobierno pa cu e proximo dianan festivo.

KvK a ricibi e grato noticia for di MinFEC cu lo otorga e dispensacion di sierre pa Dia di Rey y Dia di Asuncion. Di e forma aki e comerciante mes por scoge di ta habri y continua di duna servicio riba e dianan ey. Esaki sigur lo yuda fortalece nos economia. Camara di Comercio ta desea tur hende feliz dianan di fiesta, y na mesun momento ta haci un apelacion na un y tur pa atene nan mes n'e medidanan cu ta na vigor pa combati Covid-19.

OFFICE SPACE AVAILABLE FOR RENT

A quiet, lovely location on Margrietstraat
Suitable for any Business.


Interested?

Please Call 5831400 for viewing

Varios parti di Aruba a keda algo mas cu un ora sin coriente

TABATA pa mas of menos 7:15 pm, diasabra anochi, coriente a bay na varios parti rond Aruba. El a duna e prome impresion cu otro black out a dal nos isla. Tecniconan di N.V. ELMAR y WEB Aruba N.V. a activa mesora, den un esfuerso pa purba soluciona e fayto mas liher posibel. Mientrastanto WEB lo lanta e turbina di gas como backup pa suministra coriente bek n'e areanan afecta. Algo pasa di 7:30 pm por a mira tecniconan di N.V. ELMAR cu mannan na obra n'e substationnan na Pos Abou y Tanki Leendert. Pa 8:19 pm tur cliente afecta a ricibi coriente bek y situacion a normalisa. Pero kico a pasa exactamente, Elmar ni WEB a saca un comunicado di prena pa splica ta kico a pasa. Ta di spera cu den curso di awe lo haya informacion di kico a pasa.

Minister Andin Bikker a entrega uniform y ekiponan nobo na team di intervencion special di KIA y CEA



aki, pero e pandemia a presenta sin spera. Na januari 2021 a pone mas velocidad den e proyecto, ya cu e empleadonan di e team aki di KIA y CEA tabatin hopi aña sin por a haya uniform y ekiponan nobo.

Ademas a percura pa bestel uniform nobo pa full e personal di KIA cu tambe tin hopi aña sin haya uniform nobo. Pero comosifuera poco, ora cu tur cos tabata na caminda pa Aruba, ata ta bin otro retraso atrobe, ora cu e barco a pega den e Suez Canal. Cu retraso mes parti di e carga a logra yega nos isla, pendiente mas cargamento cu ta na caminda dentro di algun siman mas.

Locual a yega Aruba awor t'e uniformnan special p'e unidadnan specialisa den prizon conoci como unidad di IBT y BOT-K9. E uniformnan regular pa personal di KIA lo yega den algun siman mas. Pa e momento ey, henter e personal lo por conta cu un uniform nobo, di calidad

superior, capas pa por traha den dje tur dia, durante oranan largo y sin lubida e influencia di salpeter cu tin eybanda.

Unidad IBT y BOT-K9

Director di KIA, Gino Winklaar, a informa cu dos grupo na KIA a haya uniform nobo, esta e Interne Bijstandsteam (IBT) y e Bijzondere Ondersteuningsteam (BOT K-9 unit). E uniformnan ta parece esun di Riot, pero tin un diferencia, cu ta e sapato. IBT tin e uniform un tiki mas special, mientras BOT K-9 tin helmnan specialisa.

Un grupo di 30 empleado a haya uniform nobo for di man di Minister Andin Bikker. E grupo di BOT K-9 a haya nan jacket bulletproof, aunke cu nan tambe por yuda na momento cu tin Riot, o sea un lantamento, den prizon. Awor nan ta completo mirando cu nan a haya tur material necesario. Adicional a haya handschoen y mea special. Un logro mas di Minister Andin Bikker pa Husticia di Aruba.

Aunke e por muestra di ta un asunto masha normal, ta bon pa enfatisa cu desde e pandemia a yega Aruba na maart 2020, nada ta normal mas. Gobierno a hay'e ta maneha un pais cu menos entrada, pero cu gastonan igual. Diariamente ta repasa e prioridadnan den cuadro di e fondonan limita y a sigui inverti den husticia y orden publico. No obstante e retonan financiero y di e pandemia e mandatario a esforsa y a logra pa provee hopi material di trabao y vehiculonan pa personal di entre otro Cuerpo Policial, Guarda nos Costa, Inmigracion Aruba, Cuerpo di Bombero, Centro Orthopedagogico, Landsrecherche, KIA, CEA, NCTVI y recientemente tambe p'e unit nobo di Bureau City Inspector. Hecho ta cu e Gobierno anterior no a duna prioridad y a laga e departamentonan di Husticia den 8 aña di gobernacion hopi desola y bandona, pues ainda tin trabou nos dilanti pa completa.

TA despues di hopi aña cu e team di intervencion special conoci como IBT BOT-K9 di Instituto Coreccional di Aruba, cual ta consisti di miembronan di KIA y CEA, ta haya uniform y ekiponan nobo atrobe. Desde aña pasa Minister Andin Bikker tabata atendiendo cu e proyecto

Otro candidato di AVP, Conny Connor:

“Ban pone Aruba bek na trabou”



SI Bo no ta kere ora maestronan di scol bisa cu nan trabou ta mas cu djis duna les, scucha juffrouw Conny Connor: “No ta pasa un dia cu mayornan di mi alumnonan ta yama den tur confiansa pa conta con cos ta na cas y si mi por yuda nan cu sikiera un cuminda pa nan jiunan e dia ey.”

E silencio den sala tabata total. Ken por a kere cu e señora ta papiando di Aruba! E ocasion tabata e lansamento di Juffrouw Conny Connor, juffrouw di scol y cabesante di un scol publico, riba lista di AVP.

Sra. Cornelia Venturin-Connor sin duda ta un maestro profesional den tur sentido. Capacita y pasiona. E ta refugio y consehero pa hopi alumno y nan mayornan. Juf. Conny ta conta: “Trahando cu muchanan ta trece Bo den contacto cu nan famia y nan becindario. Ora mi tabata bishita e famianan mi a wak pobresa manera mi no a conoce nunca na Aruba. Tabatin asina hopi famia sin entrada, pasobra nan no tabatin trabou.

Mi a wak famianan cu no tin ni e cosnan mas basico cu nos no ta ni pensa cu hende aki na Aruba lo no tin. Mi a wak e falta di speransa asina profundo cu e tabata saca tur energia di mi alma. Anto esaki tabata prome cu e pandemia di Covid. Despues di Covid cos a bira ainda pio.”

ENSEÑANSA

Den enseñansa cos no ta bon tampoco. Ultimo añanan tabatin hopi protesta contra di e maneho di e Minister di Enseñansa. Y no por nada. Juf. Conny ta conta: “E ultimo tres año y mey, maestronan y mayornan mester a

hiba un lucha contra di nan Gobierno, pasobra enbez di haya apoyo y sosten di nan Gobierno, nan a haya contratiempo tras di otro.

E realidad ta cu maestro y mayornan a wordo laga den inseguridad. A gaña maestronan di scol bez, tras bez, tras bez. Maestronan a wordo humili’a y menasa si nan no tabata di acuerdo cu algo o si nan a tribi di habri nan boca den desacuerdo.

E adelanto cu nos a logra den añanan anterior pa duna nos muchanan un mihor oportunidad pa sali di pobresa pa medio di enseñansa, ta parse di a bay perd’i. Pero mescos cu hopi maestro di scol, ami ta bisa cu awor ta basta! Nos sa cu nos por mihor pa tur mucha y pa tur famia aki na Aruba. Mi a wak e pobresa y sinti e falta di speransa serca nos alumnonan y nan mayornan. Mi tin cu haci algo. Awor!”

CAMBIO CU AVP

Juf. Conny a conta cu banda di tur e cosnan malo, el a haya speransa tambe cu cos por drecha. El a wak con AVP a trece cambio mas cu un biaha caba desde nos Status Aparte y a saca Aruba for di crisisnan social y economico teribel. E tin confiansa cu AVP tin e hende y e experiencia pa bolbe pone Aruba bek riba pia y pone Aruba bek na trabou. Ta pesey el a tuma e paso grandi y dicidi di subi lista di partido AVP pa eleccion na juni awor. Juf Conny kier wak enseñansa sirbi pueblo enbez di cu enseñansa ta traha manera un instrumento pa selecta ta ken si y ken no por yega na un mihor calidad di bida.



Delegacion di AVP a reuni cu AHATA y ATIA



DEN cuadro di preparacion pa traha riba un plan di gobernacion, Parlamentario sra. Jennifer Arends Reyes hunto cu lider di partido, mr. Mike Eman a sinta cu AHATA y ATIA riba e ‘state of the industry’ pa mira con lo sigui dilanti despues di e pandemia cu e pais a pasa aden.

Den e reunion aki sra. Jennifer Arends Reyes a muestra cu ta di vital importancia pa tin dialogo cu gremionan cu mester traha hunto cu Gobierno pa wak con lo saca e pais dilanti, atende cu tur e situacionnan cu a surgi despues di e pandemia y discuti riba e forma con lo sigui dilanti p’asina percura p’e desaroyo fructifero no solamente p’e

desaroyo economico y financiero, pero tambe pa bienestar di tur ciudadano riba e isla.

“Nos a hiba un reunion sumamente fructifero y informativo pa loke t’e situacion actual, con nos ta para den e pandemia actual, kico e ta nifica pa nan den e industria hotelero, pero tambe kico esaki ta nifica p’e trahadornan.

Nos a papia con e pais lo sigui dilanti y kico Aruba lo por spera y kico nos futuro lo bira trahando hunto cu otro den un esfuerzo conhunto pa di e forma aki por yega na un desaroyo sostenibel pa nos turismo, pero tambe pa pueblo di Aruba.

Un reunion sumamente importante caminda e base di exito pa move y saca e pais dilanti, sin duda e aspecto di dialogo ta bira algo sumamente necesario y importante,” Parlamentario Jennifer Arends Reyes a declara.

Mescos lider di AVP, mr. Mike Eman a muestra den e reunion aki cu e pais ta pasando den un situacion cu ta afecta henter comunidad caminda hotel y comercio

tambe ta sinti efectonan di crisis aki. El a muestra cu den concepto di AVP, Aruba mester di un plan proactivo pa recupera y rescata economia di e isla y ta necesario pa tur hende coopera cu e plan di vacunacion p’asina por cuminsa na atende tur aspecto di e crisis, caminda mester yega n’e meta di tin un gran cantidad di e pueblo vacuna, mester tin un plan proactivo.

Logrando esaki por habri economia, turismo mester bolbe florece y empleadonan yega na 100% di nan salario, ya cu trahadornan a sufri hopi unda ta ricibi practicamente entre 60 y 80% di nan salario cu nan tabata ricibi prome cu e crisis aki.

AVP a ricibi hopi keho di circunstancianan dificil cu hopi den pueblo bibando. Pero tambe ta mira cu turistanan ta yegando, algun ta haciendo inversion, mientras ainda por mira cu salario di mayoria di trahadornan ta para ainda na 60%.

Mester tin un maneho macro, no solamente p’e isla, pero tambe pa su ciudadanonan y tur e aspectonan aki nos a treci dilanti den e combersacion cu e instancianan aki.



Sue Ann Ras di MEP:

“Mester restaura confiansa, comunicacion y respet bek den enseñansa”

DESPUES di varios consulta cu e miembronan di enseñansa riba diferente nivel, Sue-Ann Ras a indica cu e confiansa ta herida y tin caminda cu hasta e no t'ey mas. Tin ta opina cu ta parce cu no tin respet mas, p'e profesion asina importante y bunita, cu ta enfoca riba formacion di un nacion solidario. Falta di motivacion bou di nos profesionalnan pa sigui hiba nos enseñansa padilanti. Esaki ta algo hopi grave! Sigur pa desaroyo di un pais.

NOS PROFESIONALNAN

Sinembargo nos hendenan, nos profesionalnan ta hendenan balente y cu no ta perde speransa asina facil. Nos hendenan ta hende cu tin bon curason pa desaroyo di e pais. Nos hendenan tin speransa cu un dia nos muchanan ta bay scol feliz y cu e mayornan tambe lo ta feliz.

Despues di su prome consulta cu e profesionalnan den enseñansa, Sue-Ann Ras ta bisa di ta convenci cu mester traha hopi fuerte riba restauracion di confiansa, comunicacion (dialogo) y respet.

Duna e profesionalnan e speransa firme y contundente cu loke wordo proponi den e proximo gobernacion, ta wordo cumpli. Duna e profesionalnan e speransa firme cu lo inova enseñansa di berdad y pone e pasonan firme y duradero na mehoracion di calidad di enseñansa pa nos por tin un nacion firme y solido.

Speransa firme cu hamas lo balota e profesion di e maestronan, sino al contrario, cu lo balora nan como hende y nan trabou profesional dor di brinda sosten real y duna oido na e.o. e grupo aki.



PEN2030

Gabinete Evelyn Wever-Croes a percura pa finalisa Plan Educacion Nacional 2030 (PEN2030), cu tabata un proceso intenso, cu ta conta cu aprobacion y envolvimento di mayoria profesional den enseñansa y di e otro sectornan na Aruba, pues dicho PEN2030 mester haya su balor den un proximo gobernacion.

PEN2030 ta elabora riba e habilidadnan di siglo 21. Un di e componentenan di esaki ta comunicacion, pues con por ta posibel cu mayoria di e profesionalnan aki ta sinti cu no tin un bon comunicacion den enseñansa?

Esaki ta algo cu no ta hustificabel ni aceptabel den e siglo aki, pues como partido MEP nos ta convenci cu mester stipula e structuranan di conseho, informacion y comunicacion entre e stakeholdernan relevante di enseñansa na beneficio di enseñansa, segun Sue-Ann Ras.

Si nos kier inculca habilidad siglo 21 den nos studentenan, nos como mandatario mester por demostra cu nos por comunica cu otro. PEN2030 ta nos compas. E plan aki ta un ambicion grandi y importante. Solamente hunto cu bo nos lo avanza y logra e metanan stipula. Restaurando e comunicacion y aplica un acercamento di respet y confiansa, nos lo traha incansablemente pa hiba nos enseñansa na un mihor nivel. Logicamente tur esaki basa riba respet mutuo y dunando espacio na traha hunto pa mehora, garantiza y salvaguardia enseñansa di calidad y igualdad na Aruba.



Nos kier informa tur nos clientenan cu nos ta cera dia 27 di april. Nos ta cla pa ricibi boso dia 28 di april riba e orario di servicio di normal, di 7:30 am te cu 3:45 pm.



www.arugas.com

+297 585 1198

f ArugasNV

Di acuerdo cu Forbes Magazine:

Aruba ta den e top 10 destinacionnan pa biaha

POCO POCO e industria di turismo pa nos isla ta bayendo den un mihor rumbo. Desde e momento cu Aruba a bolbe habri su frontera pa turismo internacional na juli 2020 a bin ta enfoca riba recuperacion di nos industria, na un manera gradual, pero man den man cu desaroyo di maneho di contagio di e virus.

Esaki ta canando den bon caminda y e hecho aki ta grandemente mara na e vacuna. Diferente investigacion ta ilustra con mayoria di hende ta indica cu nan lo biaha ora nan ta vacuna.

Segun un estudio recién conduci y publica dor di e conocido revista di negoshinan prominente Forbes na Merca ta indica cu dos tercera parti di Mericanonan encuesta ta indica cu nan lo sinti nan mes comfortabel pa biaha unbes cu nan ta ful vacuna. Ademas, di e top 10 destinacionnan pa biaha, Aruba ta number 3.

Tambe biahero y socionan den turismo ta tene consideracion cu e grado di vacunacion di e destino cu nan lo bishita.

Aruba Tourism Authority ta ricibi pregunta referente vacunacion na nos isla y con esaki ta canando. Tambe CDC na Merca, ekivalente na DVG di Aruba, ta monitorea tambe e grado di vacunacion di un pais – hunto cu otro factornan – p'asina yega n'e nivel di risico di un biahe n'e pais.



Incluso den e mundo di turismo crucero unda cu por mira cu re-apertura di esaki ta sosodiendo cu pasaheronan y tripulante vacuna. Pues esaki a bira e solucion pa e industria aki por reinicia. Mas di nos comunidad vacuna y mas rapido esaki sosode, mas beneficio e lo tin pa sector turistico, pa comercio, pa nos economia, pa cupo di trabou y seguridad na pia di trabou y pa bienestar di nos comunidad p'asina Aruba en general por hiba un bida mas normal y por elimina e restriccionnan gradualmente.

E bishitante y nos socionan ta contento. Hendenan kier biaha bin Aruba, pues yuda bo mes, bo famia y yuda Aruba, simplemente dor di sigui protocolnan y vacuna.



E experiencia di jardin unico di Boardwalk Hotel ta haña di prensa Hulandes

De Telegraaf y otro revista nan di biahe ta glorifica jardinnan y e concepto di video hotelero



Boardwalk Boutique Hotel Aruba a ricibi atencion den e corantnan Hulandes pa nan video unico cu duracion di 3.5 minuut, unda espectadornan por wak dor di e wowo y halanan di un trupial e jardin y kambenan di e hotel.

“perservacion” di palo y matanan cu p’e motibo ey na momento di planta e jardin nan por a ilustra un jardin avansa y cubri.

“E bon colaboracion cu e socio local Fantastic Gardens a resulta fantastico. Danki na nan gran conocimiento di e palo y matanan local y nan vision di reserva grupo grandi di palo y mata pa nos.

Awor nos por ofrece nos huespednan un experiencia di jardin cu pa hopi ta wordo describi como un di e jardinnan mas bunita di Aruba. Nos ta sumamente contento di por ofrece e pida berde y unico aki di Aruba na nos huesped nan pa disfruta nan vacacion” esaki segun propietario di hotel Kimberly Rooijackers.

Boardwalk Boutique Hotel ta un compania familiar local, cu 46 casitas plama den e jardin tropical di un anterior plantacion di coco. Huespednan tin aceso na servicio di concierge, 2 piscina y servicio di lamacupalapaycamanan, un espacio pa ehersicio cu spa y posibilidad pa practica yoga y servicio di desayuno y lunch di Eduardo’s Beach Shack. Boardwalk a ricibi su certificado di oro di TravelLife pa nan operacion y iniciativa nan sostenibel.

Pa mas informacion por bishita www.boardwalkaruba.com

Feliz Dia di Rey

EN CONEXION CU CELEBRACION DI DIA DI REY
nos oficina y Departamento Tecnico ta cera riba

diamars 27 di april, 2021.

ELMAR

Den caso di emergencia por yama libremente nos Departamento Tecnico (Storingsdienst) na 523-7147.

E video a wordo lansa dor di Boardwalk na honor di Dia di Tera p’e flora y fauna di Aruba na un manera único. P’e video, FPV (first person via) drone racing a wordo usa p’asina ilustra e perspectiva di e parha colorido y yen di melodia. Entre otro e diario nacional mas grandi [De Telegraaf](http://DeTelegraaf) a dedica basta atencion n’e concepto di video y na experiencia unico di jardin di Boardwalk.

Boardwalk Boutique Hotel, situa riba e tereno cu anteriormente tabata sitio di plantacion Tromp, un plantacion di coco, a planta durante e expansion di e hotel 2.300 palo y mata nobo, incluyendo hopi matanan local.

E diseño di e jardin a wordo proporciona dor di Artesano Studio y compania local Fantastic Gardens. Nan a yuda cu e seleccion di vegetacion y a cuminsa casi dos aña prome cu e plantamento cu e



POCO despues di eleccion na 2013, un conocir a conta'mi di un recien bon inversion cu el a haci. Contra di su custumber pa financia un partido politico, e biaha aki sí el a haci'e. Pasobra e partido na mando simplemente no por a perde victoria. Consecuentemente e tabata sigur cu e lo gana su aporte substancial n'e caha di campaña di e Ministro di Infraestructura bek cu bon interes. Esey a resulta di ta corecto: Poco despues di eleccion el a obtene un tereno dilanti e hotelnan grandi riba su nomber.

SIN BERGUENSA

E kier a uza e tereno pa construccion di un compleho di apartamento. Al fin y al cabo e no tabatin suficiente placa. Pues el a bende e tereno y a pidi -cu exito- un otro tereno. P'e no tabata existi un lista di espera. Pa mi esey no tabata ningun sorpresa. Ya pa decada esaki t'e modus operandi di 'politica': "Yuda'mi yega na poder y mi ta percura pa bo haya bo recompensa".

Pero e recompensa ey no ta sali for di e saco di e politico concerni of di e partido. No, sin ningun tipo di berguensa nan ta haci uzo di e propiedadnan di Pais Aruba di cual nan ta pretende di por dispone di nan libremente.

NEGOSHI DI CAMBIO

Como consecuencia, hende cu sí ta/mester tene nan mes n'e regla y proceduranan prescribi, por keda warda pa añanan largo riba nan tereno. Esnan cu no tin un relacion personal cu e 'tumador di decision' y tampoco tin suficiente placa pa 'influencia' decision, mester para patras den rij y spera cu e politico lo mira nan peticion poco prome cu e siguiente eleccion. Pasobra e ora ey net lo contrario por tuma lugar: Otorgamento di tereno a cambio di voto: "Rasga mi lomba pa mi rasga esun di bo".

MERCADO

E negoshi aki a tuma lugar riba varios tereno, specialmente na unda sa otorga permiso. Permiso pa (fuera di e proceduranan normal) logra tereno (grandi); pa logra (liher!) permiso pa construccion; pa por importa (riba termino corto!) personal pa construccion di specialmente hotel (grandi!); pa personal cu tabata necesario pa traha den hotel, etc. Y regularmente sa pasa cu empresa no sa haya un permiso definitivo, sino uno temporal. Sa renob'e den tempo di eleccion, despues cu e empresa a duna un aporte (substancial) n'e caha di campaña di e partido na mando.

NEGOSHI

Pa hopi hende esaki aparentemente tabata normal. No ta por nada cu un Ministro a declara algun aña pasa: "Mi a bira Ministro pa mi haci negoshi". Pa hopi aña esey tabata posibel, tanten cu economia a produci suficiente pa tuma hende sin limitacion den servicio; tanten tambe cu tabatin suficiente tereno disponibel; tanten cu practicamente

UN BON INVERSION

Pa: Armand Hessels

no tabatin control riba funcionamiento di funcionario di Gobierno y tanten cu ciudadano no tabata tribi mucho pa ta abiertamente critico. Awor cu entrada di impuesto por lo pronto ta limita y cu no por sigui cubri gasto excesivo mas, cu tin un maneho di tereno mas estricto, cu ta vigila funcionamiento di Gobierno mas frecuente cu un lupa y cu hende ta bira mas asertivo, 'negoshi-manera-semper' ta bira cada bes mas dificil.

PREGUNTA

E patronahe politico y e 'negoshi cu propiedad/servicio di Gobierno' cu pa hopi tempo a hunga un papel predominante, ya no ta sostenible mas. E pregunta ta si e partidonan politico cu a hunga un rol asina determinante den esaki, por sigui hunga un papel politico di importancia. Pasobra, dor di nan 'maneho', un pio cu otro, Aruba ya caba prome cu e pandemia di Covid, tabata den un situacion hopi penoso. Riba dje, hopi biaha gobernante a hiba mal gobernacion bou di 'supervision' di Parlamento.

Pesey nos mester puntra nos mes si e sistema politico actual ta ofrece suficiente garantia pa para e 'gobernacion tradicional'. Finalmente e pregunta ta si (organizacion di) ciudadano y e gremionan comercial y sindical por/kier demostra e curashi necesario pa hunga un papel significativo pa cu mehoracion di gobernacion. Al fin y al cabo esey tambe ta den nan propio interes. E contesta riba e preguntanan aki ta determina e futuro di 'politica' y di comunidad di Aruba.



Free view

Cliente di Cable Digital cu no tin full e pakete, awor por disfruta pa 1 luna di diferente canal GRATIS!



Digital Cable: 179 of 381
Setar Complete: 215



Digital Cable: 174 of 377
Setar Complete: 205



Digital Cable: 175
Setar Complete: 206



Digital Cable: 163
Setar Complete: 201



Digital Cable: 177 of 378
Setar Complete: 207



Digital Cable: 165 of 373
Setar Complete: 216



Digital Cable: 178 of 380
Setar Complete: 211



Digital Cable: 162
Setar Complete: 200



Digital Cable: 144
Setar Complete: 310



Digital Cable: 148 of 358
Setar Complete: 316



Digital Cable: 171 of 375



Digital Cable: 172 of 376



Digital Cable: 187
Setar Complete: 232



Digital Cable: 154 of 370
Setar Complete: 307



Digital Cable: 149 of 359
Setar Complete: 317



Digital Cable: 161 y 371
Setar Complete: 202



Digital Cable: 145 of 364
Setar Complete: 306



*Canalnan lo ta available te cu 30 di april 2021

APORTA NA E BIENESTAR DI ARUBA

Aruba Health App

POWERED BY SETAR

Available on the
App Store

Get it on
Google play

Registra y Vacuna!

SETAR ta orguyoso di a desaroya e Aruba Health App.

setar.aw | Teleshops

Despues di a dal den cura di un cas cu auto, chauffeur a baha core bay



Diabierna anochi den careda di 7:45 Polis a bay cruzada conoci pa accidente na Solito, esta altura di stadion di RCA. Informacion a drenta di un accidente fuerte eynan.

Na yegada di Polis nan no tabata mira nada particular. A bin resulta cu e accidente no a sosode riba e cruzada di Kamerlingh Onnesstraat cu Hubadastraat, pero un poco mas pariba direccion Sero Blanco.

Panort di caminda Polis a bin topa cu un Nissan Skyline cu tabata pega contra un cura di cas.

Habitantenan lo a scucha un zonido duro prome y a pensa kizas lo tabata riba e cruzada.

Despues di e accidente chauffeur di e Nissan lo a bandona e sitio, lagando e auto atras.

Polisnan a tuma nota y a solicita pa un takelwagen pa bay cu e auto Balashi.

FELIZ DIA DI REY
—27 di april, 2021—

Curaçao | Aruba | Bonaire | St. Maarten

BANCO DI CARIBE

No ta chiste di 1 april:

No por legalisá yiu ilegítimo despues ku e tata muri



"Laga tur loka ta spera mi ta bunita,
Laga tur locual cu mi encontra na caminda ta bunita,
Laga tur locual cu mi laga atras keda bunita y
Laga esakinan termina den tur buniteza."
-Cado Wever

Cu inmenso dolor den nos curason pero conforme cu boluntad di Dios, nos ta anuncia fayecimento di nos mama, tata, ruman, wela, welo, bisawela y bisawelo:



Luisa Kock-Quant
Cariñosamente yama:
"Mai", "Madu", "Wicha"
*20-01-1937 †22-04-2021

Olindo Kock
Cariñosamente yama:
"Pai", "Padu", "Sein", "Olin", "Bubu"
*30-12-1932 †23-04-2021

Na number di:

Yiuinan:
†Thomasa Aquina (Ina) Kock
Lydia y Harry Jacobs
Ana Kock y yui
Goya Kock
Ovi Kock y yuinan
Andres Kock
Olga Kock y yui
Thomas Kock y yuinan
Jolanda Kock
Catharina y Gregory Werleman
Olindo jr. y Rinolva Kock-Albertz y yui
Leo y Charline Kock-Croes y yuinan

Nieto y nietanan:

Andrea Kock y famia (na Hulanda), Kyle, Joshua, Fabiola, Kayla
Thilking y famia (na Merca), Jordan, Jourdaine, Leoncita, Eugene,
Eryn, Ileana, Edward y Jean-Simon.

Ruman di Luisa: Rumannan di Olindo:

†Bernardo y Irma Quant-Jansen
†Raymundo Thiel Y yuinan y famia.
Sra. Vda. Bertha Maduro-Thiel
†Camilio Thiel
†Candido Thiel Emelina Thiel
Mathias y Mina Thiel-Caster y famia
Sr. Vdo. Simeon Thiel y Sra. Vda. Violeta Lampe-Croes y famia
Damaso Thiel
Esteban y Gretha Thiel-Dirks
Antonio Kock y Beatrice Martinez
Angelica Kock
Juan Kock
†Adolf y Jeanet Kock-Zievinger y famia
Sira y Eusebio Petronia
Carmen y Francisco Kock
†Juan de la Cruz Kock
Lucas y Marianne Kock
Bon amigo di Olindo: †Bernardo Quant
Bisanieta, bisanietonan, suegro y suegranan, sua y cuñanan,
sobrino y sobrinanan, primo y primanan, y ihanan.

Demas famia: Kock, Quant, Thiel, Haayen, Caster, Jacobs,
Werleman, Albertz, Croes, Thilking, Klooster, de Cuba, Colina,
Barret, Raf, Koolman, de Kort, Jansen, Vrolijk, Laurence,
Zievinger.

Ta invita tur amigo y amiganan, conocirnan y ex coleganan di
Lago y DOW, y nos bon bisiña nan pa acto di entierro cual lo
tuma lugar dia 29 april 2021 na Misa Imaculada Concepcion na
Santa Cruz y despues pa santana catolico Pastoor de Vries na
Santa Cruz.

Di 2or pa 4or nos defuntonan stima lo reposa den misa Santa Cruz.
Disculpa nos si den nos tristesa nos por a lubida algun famia of
conocirnan.

Nos ta lamenta cu despues di entierro nos no por ricibi bishita di
condolencia na cas.



WILLEMSTAD - Un kaso legal di karakter familiar ku ta toka leinan di rekonosementu di un yiu ilegítimo i eventual heredero di un difuntu a keda rechasá pa Hues di Corte den Promé Instancia na Kòrsou prinsipalmente, pasobra e lei al respekto ta diferente riba tur e paisnan i islanan di munisipio Hulandes den Karibe.

Na Kòrsou e lei ta un manera, na Aruba no tin e lei mes i na Boneiru tampoko Hulandesnan no a regla e asunto aki. E petishon a bin di parti di un persona ku a nase na Bonaire i den pasado tempu e tata tabata na bida i a ofresé pa rekonosé e yiu, e yiu a ninga.

Despues di morto dje tata, a sufri asunto di herensia i e yiu ilegítimo su mama a reklamá e parti ku lo ta koresponde na su yiu, pero lei no tin provishon p'esaki.

Dia 8 desèmber e yiu a entregá un petishon den Corte i luna pasá Corte a tene tur hende envolvi i a tende e mama via video.

Mama dje mucha homber tabatin un relashon ku e homber na Bonaire, pero el a bin fayesé.

E yiu a akudi na Corte pa Hues konfirmá ku e homber ta legalmente su tata, pero e ke keda ku fam di su mama.

Na 1998 a hasi prueba genetiko di DNA dje homber i e yiu i a konstatá ku e homber ta tata dje yiu.

Ku e resultado ei den man, Korte a ordená e homber pa paga alimentashon dje yiu.

E yiu a keda biba serka su mama na Kòrsou te dia e tabatin 17 aña i despues a bai Bonaire bai biba serka su tata.

Ni asina no a rekonosé e yiu, pasobra e yiu no tabata mira balor di esei: e kier a keda ku fam di su mama.

E decishon aki awor a haña un rabu largu pasobra dia su tata a muri e no por a partisipa den su herensia, pasobra lei na Bonaire no tin hurisprudensia di un situashon asina. Tin kantidat di ehempel huridiko internashonal ku ta indiká dikon e no por ta heredero maske ku e kos aki ta diskriminatorio.

Reino Hulandes ta rekonosé yiu ilegítimo komo igual na e famia legal, pero den Karibe lei ta limitá e posibilidat pe haña herensia.

E mester pidi i haña parti dje herensia denter di sinku aña di morto di su tata.

Asina mes Hues por limitá e parti di herensia dje yiu ilegítimo si esaki ta afektá e parti ku e viuda legal i su yiuinan mester haña.

Ku otro palabra: E no por haña meskos.

Pa inhustu ku e Hues ta haña e situashon aki, e no por traha lei riba su mes, pasobra esei ta toka na Parlamento dje islanan.

Por lo tantu el a nenga petishon dje yiu pa bira heredero dje tata.

Aserkamentu di kriminalidat internashonal ta bira mihó pa Hulanda Karibense dor di konekshon direkto ku INTERPOL

KRALENDIJK - Cuerpo Polisial Hulanda Karibense, huntu ku Polis Huelandes i INTERPOL, a hasi un paso grandi den nan kolaborashon internashonal. E akuerdo ta sòru p'e islanan Boneiru, Sint Eustatius i Saba, awor via e kontakto direkto ku INTERPOL, ta den kontakto ku e sede prinsipal na

Lyon i ku koleganan polisial kasi rònt mundu.

Dor di esaki koleganan polisial di KPCN mes por konsultá i suministrá e banko di dato di INTERPOL i asina interkambiá informashon rònt mundu di un manera save.

INTERPOL ta un organisashon mundial na kua tin 194 estado miembro afiliá. Kada estado miembro tin un Ofisina Sentral Nashonal (NCB). E NCB ta mantene komunikashon ku e ofisina prinsipal i ku e otro NCB nan i ta e 'single point of contact' pa e servisionan di mantenshon.

Na Hulanda esaki t'e NCB The Hague, kual ta akomodá na e 'Landelijk Internationaal Rechtshulp Centrum' (LIRC). Aworakí ta habri un sup-NCB na Hulanda Karibense pa promé biaha. E sup-NCB aki ta kai bou di responsabilidad di NCB The Hague.

E deseo pa un sub-NCB pa Hulanda Karibense tabata eksistí ya kaba pa basta tempu serka KPCN. Hefe di Kuerpo Interino, Ronald Zwartter i Melvin Sint Jago, komo hefe di e departamento di informashon di KPCN, a traha den kordinashon ku INTERPOL NCB The Hague na e realisashon real.

'E islanan Hulanda Karibense ainda no tabatin un konekshon direkto ku

dato di INTERPOL. Dor di esaki nos no por a ehikutá búskeda direkto di personanan", Melvin ta splika.

'Pa nos haña informashon pa ku kriminalnan tin biaha nos tabata dependé di hopi partidonan eksterno. Dor di establese nos propio sub-NCB, a saka un stap for di e proseso aki i naturalmente esaki ta promové e rapides i ku esaki ta mehorá e rastreo internashonal'.

'Ku e konekshon ku INTERPOL aki nos por señalá kriminal, terorista i otro personanan indeseá òf gruponan kriminal mas rápido i atendé ku nan di forma mas efektivu i hasiendo esaki, hasi tantu e parti Karibense di Reino komo Hulanda oropeo ainda mas seif'. Segun Jose Rosales, hefe di Kuerpo di KPCN.

Kontakto ku INTERPOL

Koleganan di intel di Kuerpo Polisial Hulanda Karibense spesial di trein lo bai traha dentro di e sub-NCB. Nan ta forma e konekshon entre INTERPOL, NCB The Hague i e servisionan di mantenshon na e islanan di Hulanda Karibense, Boneiru, Sint Eustatius i Saba.

Pa futuro e ambishon ta pa oumentá e aksesibilidad di INTERPOL na pòstnan di frontera na Hulanda Karibense, p'asina Koninklijke Marechaussee por interrogá pasahero entrante i saliente via e banko di dato di INTERPOL.



For God So Loved The World That He Gave His One And Only Son, That Whoever Believes In Him Shall Not Perish But Have Eternal Life.

A fayece na edad di 21 aña



Kiven Micheal Dania

Mihorconocicomo "Kendo" y "Buchi"
*01-05-2000 - + 04-16-2021

Na Number di sumayornan:

Mama : Sidalia De Freitas y Ervin Illidge

Tata : Bryan Dania y Ruby Dania-Schwengle

Na number di suyui: Ashwin KendrelKrosendijk

Na number di suruman nan: Kyle C. De Freitas, Jurvin Illidge,

Jaydee Illidge, Rozienne Dania, Brygeline Dania, Ruben Dania,

JurionRasmijn, Ziriene Santana, Brylie-ann Hernandez

Maneraruman : Monica Camara, Diandra Dania

Mama di suyui : Amadee L.M. Krosendijk

Number di supareha : JuhailaDubero

Na number di suwelo y wela nan: †Virginia Camara

Manuel De Freitas

Mariana "Anchi" Dania

Casper Jones

Bisawela : Marcolina Maduro "MAMA"

Omo y tanta nan : Elias y pareha , Manuel y Jackie , Gerswin ,

John y pareha, Joranne ypareha,

Omo y Tanta nan Grandi: Alex ,Eduard y yui nan , Michel y

pareha y yui nan , Gwendolyne y yuinan

Na number di su prima y primo nan na Aua ,Sxm ,NL

Padrino: Elias De Freitas

Madrina: Betty Nicolaas De Abreu

Su Bon Amigo nan di: ARUWOODS- D22-JAYS CARRENTAL -

OTF600-T'REAL - GMB ,RBLOCK

amigo nan di Brommer, amigonan di Dakota, Amigo nan di

Drag,

Ademas Famia : Dania , De Freitas, Maduro, Camara , De abreu,

Illidge, Lugo, Gumbs, Krosendijk, Dubero, Schwengle, Alvarez,

Werleman, Leon, Navas, Jones, Santana, Hernandez.

Ta invita tur Famia, Amigo, Conosirnan pa Asisti na Acto di

Condolencia y Despedida cual lo tumalugarDiaberna- 30 APRIL

2021 di 2'or pa 4'or atardina Misa Di Birgen di Fatima na Dakota.

Acto di cremacion ta tumalugar den seno familiar.

Disculpanos, si den nos tristeza nos por a lubida un of mas

number of fam di famia y algun amigo nan.

Pa motibo di e situacion actual di COVID-19, y cumpliendo cu

reglanan stipula door di DVG, nos ta pidi pa mantenedistancia

social, no ta duna man nibrasa pa condolencia y despedida y

uso di tapaboca ta obligatorio.

Nos ta lamenta cu despues di entieronon no por ricibi bisihita di

condolencia na cas.



El que habita al abrigo del Altísimo
morará a la sombra del Omnipotente.
Diréyo al Señor: Refugio mío y fortaleza mía,
mi Dios, en quien confío.
Salmo 91: 1-2

Con profunda tristeza y dolor queremos participar el
fayecimiento de :



Sra. Rosa Isabel Camargo Romero

*01-09-1958 - †23-04-2021

El acto funeral se anunciará despues.

Fundacion Venerable Jose
Gregorio Hernandez ta di fiesta

Doctor ta bira Beato di 30 di april 2021

Nos ta invita devotonan contruibuidor y pueblo di Aruba en general pa asisti na tres dia di oración, canto y alabanza y ultimo dia ofrecemento di bela pa nos gradici nos Tata Celestial p'e gran logro aki.

Dianan 28, 29 y 30 di april pa 7or di anochi, na Sitio di Oracion.

Lo sigui cu un Santo Sacrificio di Misa Solem, dia 1 di mei pa 10'or d mainta, tambe na sitio di oracion.

Corda cu nos mester mantene nos mes na reglanan di DVG. Corda riba tapaboca y mantene distancia.

E tabata mal stashoná.....

Boeing 777 nobo di KLM a dal den tûnel di pasahero



SCHIPHOL. Aktivitat i operashonnan riba rampa di aeropuertonan mundialmente ta asuntunan altamente orkestrá ku masha delikadesa i ora un avion dal den un tûnel di pasahero of un vehikulo riba rampa, ta investigashon profundo tin ku hasi.

Esei tabata e kaso siman pasa na Schiphol ora ku personal di rampa tabata tou un avion Boeing 777 nobo-nobo preparando pa subi pista, el a dal den e brùg di pasahero ku ta kondusi pa kabina dje avion.

E aksidente ta no solamente kostoso, pero bergonsoso pasobra no ta kos ku mag pasa. El a pasa ku un Boeing 777-300 ku tabata den push-back na Schiphol kla pa subi pista i lanta buelo, pero e brùg no tabata bon stashoná ni ankrá.

Komo konsekuensia dje impakto punta dje ala a sufri daño i nan a kuminsa traha riba su reparashon mesora.

Punto di salida dje tûnel ku nan ta yama jetbridge a pega riba punta dje ala.

KLM tin dje avionnan 31 Boeing 777 den servisio i mitar di nan te vershon mas kòrtiku seri -200, mientras ku e otronan ta dje model -300ER ku por bula mas leu i por transportá mas pasahero.

Kuater luna pasá el a sali for di fabrika. Te ku siman pasa e avion a hasi 14 buelo pa un total di 80 ora.

Normalmente no sa tin masha dje insidentenan aki, pero nan sa sosodé pa motibu di eror humano of ora tin tormenta di bientu.

Ultimo biaha ku tabatin dalmentu di avion kontra un opheto tabata na Schiphol dia 20 di yuli aña pasá ora un dje brùgnan a dal den un avion di TUI.

Royal Aurora Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu dolor na nos curason. Nos ta anuncia fayecimento di
nos casa, tata y welo stima:



Sr. Crispo M. Dirksz
Mihor conoci como "Mai of Papa"
*18-01-1946 - †16-04-2021

Na number di su:
Casa: Mariëta Dirksz-Loopstok
Yiunan: Milangela Dirksz y yiu
Jaysell Dirksz y yiunan
Mirella y Eufracio Haseth
Nietonan: Jullie-Ann
Anthony
Justin
Ralph
Mama di su nietonan: Julisa Maduro
Tanta di respet: Veronica (Janda) Dirksz
Swa y cuñanan: Simon Loopstok y famia na Hulanda
Rudy Loopstok y famia
Greta Loopstok y famia
Roland Loopstok y famia
Vera Croes-Loopstok y famia
Eda Vrolijk-Loopstok y famia
Toy Loopstok y famia
Sonia Faro-Loopstok y famia
Jean Grigori y famia
Amando Boekhoudt-Eloy Geerman-Hans Dicks
Ihanan: Egber Loopstok
Raul Hernandez
Efrem Orman
Toy Loopstok
Primo y primanan, amigonan y conocirnan
Ex-coleganan di Arubaanse Wegenbouw

Demas famianan: Dirksz, Loopstok, Haseth, Croes,
Geerman, Boekhoudt, Faro, Vrolijk, Boyé, Jansen,
Rasmijn, Thiel, Laclé


Ta invita pa acto di condolencia y entierro cual lo tuma
lugar na Misa Sta Filomena na Paradera diahuebs 29 di
april 2021 di 9'or pa 11'or di mainta. Despues lo sali pa
Santana Catolico na Paradera.

Nos disculpa si den nos tristesa nos por a lubida algun
famia of conocir.

Royal Aurora Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu dolor na nos curason, nos ta anuncia fayecimento di
nos ser stima:



Sr. Anthony P. Martinus
Mihor conoci "Nono"
*11-11-1965 - †21-04-2021

Acto di entierro lo wordo anuncia despues

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemiseoga.
E ta hibaminaawatrankil,
Pa mi bolbehañaforsa".
Salmo: 23

Nos ta anuncia fayecimento di:



Bernardo Teodor Quant
*09-11-1934 - †23-04-2021

Acto di entierro lo wordo anuncia despues.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL